

Boqimuhammadxon



Boqimuhammad ibn Jonibek Sulton

(? – 1605),

(1601-1605)

Ashtarkoniylardan bo'lgan Buxoro xoni. *Shayboniyalar* sulolasining so'nggi vakili *Pirmuhammadxon* (1598-1601) 1599 yilda Boqimuhhammadni alohida xizmatlari uchun Samarqand hokimi etib tayinlagan. Shunday bo'lsada u tez orada o'z mavqeini mustahkamlab olib, Pirmuhammadxonga itoat etmay qo'ygan va hatto unga qarshi urushga hozirlik ko'ra boshlagan. 1601 yil uyunda Pirmuhammadxon Samarqand yaqinidagi **Bog'i Shamol** degan joyda Boqimuhammad bilan jang qilib, mag'lubiyatga uchragan. So'ng, Boqimuhammad Buxoroga kirib, xonlik taxtini egallagan. Shu tariqa Buxoroda yangi sulola – “**Ashtarkoniylar**” hukmronligi boshlangan.

Boqimuhammad o'z hukmronligi davrida xonlik hududi yaxlitligi saqlab qolish o'ziga qadar o'tgan xonlar qo'llidan chiqargan yerlarni dushmanidan qaytarib olish maqsadida ko'plab urushlar qilgan. *Abdullaxon II* o'limidan so'ng turkmanlar yordamida Buxoroga bo'ysunmaslik yo'llini tutgan Xorazm masalasini Tinch yo'l bilan hal etdi. Chunonchi, Boqimuhammad Balx taxtiga da'vo qilib isyon ko'targan (1601 fevral) ashtarkoni shahzodalar – Abbas sulton va Rahmonquli sultonlarni mag'lub etgan (1602 yil bahor) va Balxga o'z ukasi Valimuhammadni hokim etib tayinlagan. Eron shohi Abbas I Balxni bosib olish, so'ngra Boqimuhhammadni taxtdan ag'darib, uning o'rniga Shayboniylardan Muhammad Salim sultonni o'tqazish va bu bilan Buxoro xonligida Ashtarkoniylar hukmronligiga chek qo'yish maqsadida katta qo'shin bilan yurish qilganda, Boqimuhammad Amudaryo bo'yidagi Puli Xataba degan joyda unga peshvoz chiqib(1602 yil iyul), Eron qo'shinini butunlkay tor-mor keltirgan. Shoh Abbas I esa qolgan-qutgan askarlari

bilan arang qochib qutulgan. 1603 yil 25-martda Boqimuhammad temuriylardan Kobul hokimi Muhammad Hakim badiuzzamon bosib olgan Qunduz shahrini uch oy qamal qilgach, yana qayta qo'lga kiritgan. Boqimuhammad endilikda Xurosonda ham Buxoro hokimiyatini Tiklash maqsadi yo'lida harakat qila boshladi. Xuroson yurishi 1604 yilga mo'ljallangan edi. Ammo, 1604 yilda Qozoq xoni **Keldimuhammad**ning qo'shinini buxoro hududidan haydab chiqara oldi. Buning uchun esa ancha vaqt zarur bo'ldi. Buning ustiga Boqimuhammadxon 1605 yilda vafot etdi.

Boqimuhammad mamlakatni idora qilish tizimi va soliqlarni tartibga solish, qo'shinni qayta tashkil qilish kabi qator islohatlar o'tkazgan, savdo-sotiqlar, hunarmandchilik, obodonchilik ishlariiga katta e'tibor bergen.

2023-11-02 16:56:50